



Broj: 13-02/1-05-23547/18
Sarajevo, 16.07.2018. godine

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO

SKUPŠTINA KANTONA SARAJEVO
Služba za skupštinske poslove

KANTON SARAJEVO
Stručna služba Vlade
N/r sekretara

O v d j e

Zastupnik Semir Halilović je na 43. Radnoj sjednici Skupštine Kantona Sarajevo, održanoj dana 25.06.2018. godine, u okviru tačke Dnevnog reda „Zastupnička pitanja, inicijative i odgovori“, a u skladu sa Poslovníkom Skupštine Kantona Sarajevo, pokrenuo zastupničku inicijativu:

“Prije godinu dana kod Vas sam inicirao dvije izmjene Zakona o socijalnim pitanjima, a kojima bi se tretirala određene, sitnije, korekcije što ste pismeno i usmeno prihvatili kao korektna i potrebna rješenja. Kako se bližimo kraju ovog mandata, molim Vas da navedene korekcije date u skupštinsku proceduru, jer još uvijek ih niste uputili, kako bi se započeti posao uspješno okončao. Ovim korekcijama pomažemo udruženjima koji se, konkretno, bave pomoći ljudima sa posebnim potrebama i smatram da je humano, obavezno, da izmjene Zakona što prije uputite u skupštinsku proceduru na prvom narednom zasjedanju Skupštine KS.”

ODGOVOR:

Ministarstvo za rad, socijalnu politiku, raseljena lica i izbjeglice Kantona Sarajevo (u daljem tekstu: Ministarstvo) je razmotrilo dostavljenu inicijativu i na istu daje slijedeći odgovor:

Kao programski zadatak Ministarstva za 2018. godinu planirana je izrada izmjena i dopuna Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj 38/14 - Prečišćeni tekst, 38/16 i 44/17) (u daljem tekstu: Kantonalni zakon) sa ciljem usaglašavanja navedenog propisa sa odredbama Zakona o hraniteljstvu u Federaciji Bosne i Hercegovine ("Službene novine Federacije BiH" broj 19/17).

U okviru aktivnosti na realizaciji predmetnog programskog zadatka Ministarstva u 2018. godini, tretirani su i prijedlozi za izmjene Kantonalog zakona koji su se odnosili na prava i zaštitu porodica djece i osoba sa poteškoćama u razvoju, konkretno na usluge za porodice djece i osoba sa



poteškoćama u razvoju, te servise podrške koji bi pružali navedene uluge, upućene od strane zastupnika Semira Halilovića. Prijedlozi zastupnika Halilovića su ocjenjeni korektnim, ali isti nisu mogli biti uvršteni iz razloga što su na nivou Federacije Bosne i Hercegovine u toku aktivnosti sa ciljem reforme zakonodavstva u oblasti socijalne i dječije zaštite. Navedeno, između ostalog, predviđa i donošenje Zakona o socijalnoj djelatnosti u Federaciji Bosne i Hercegovine i Zakon o socijalnim uslugama u Federaciji Bosne i Hercegovine, a koji sadržavaju i odredbe koje se odnose i na uvođenje usluga za djecu i osobe sa poteškoćama u razvoju i njihove porodice.

U tom smislu, smatramo značajnim istaći činjenicu da je u skladu sa članom 12. Ustava Kantona Sarajevo, kao isključiva nadležnost Kantona Sarajevo propisana socijalna politika i uspostava službi socijalne zaštite, dok je socijalna politika utvrđena i kao zajednička nadležnost Federacije Bosne i Hercegovine i Kantona Sarajevo. Ustavom je propisano nadalje, da svoje nadležnosti Kanton izvršava donošenjem sopstvenih propisa i primjenom propisa sa nivoa Bosne i Hercegovine i Federacije. Obzirom da je Ustavom propisano da zajedničke nadležnosti Kanton vrši u obimu dogovorenom sa federalnim vlastima, a pitanje utvrđivanja socijalnih usluga i njihove implementacije, te licenciranje pružalaca istih će biti uređeno Zakonom o socijalnim uslugama, koji je u izradi, Kanton Sarajevo će po donošenju istog biti u obavezi provoditi i usaglašavati svoje propise u skladu sa navedenim federalnim zakonom. Posebno značajnim smatramo naglasiti da će donošenjem predmetnog federalnog propisa ovo pitanje biti regulisano na jednak način za djecu i osobe sa poteškoćama u razvoju i njihove porodice na cijelom području Federacije Bosne i Hercegovine.

S poštovanjem,

Pripremile: Cica Pljevljak, šef Odjeljenja /
Smaragda Lučkin, stručni savje



Dostaviti:

1. Skupština Kantona Sarajevo - Služba za skupštinske poslove,
2. Stručna služba Vlade Kantona Sarajevo,
3. a/a.



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33 562-090
Sarajevo, Reisa Džemaludina Čauševića 1

